



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Innocentio XI. Ad Innocentium XII.

Luxemburgi, MDCCXLI.

13. Æternæ Sapientiæ &c. Concessio facultatis conferendi gradus
Scholasticos pro Collegio sub tit. S. Antonii Abbatis Civitatis Cuscan. in
Indiis Occidentalibus.

[urn:nbn:de:hbz:466:1-74849](https://nbn-resolving.org/urn:nbn:de:hbz:466:1-74849)

1692.

Derogatio
contrariis.

§. 4. Non obstan. quatenus opus sit, Nostra, & Cancellaria Apostolica Regula de Jure quaesito non tollendo, aliisque Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, nec non, quatenus itidem opus sit, dictae Civitatis Firman, aliisque quibuscvis etiam juramento, confirmatione Apostolica, aut quavis firmitate alia roboratis Statutis, & consuetudinibus, etiam immemorabilibus, privilegiis quoque, indultis, & Litteris Apostolicis, quibuscvis Personis, & locis, sub quibuscumque verborum tenoribus, & formis, ac cum quibuscvis, etiam derogatoriis derogatoriis, aliisque efficacioribus, & insolitis Clausulis, irritantibusque, & aliis Decretis in genere, vel in specie, seu alias quomodolibet in contrarium praemissorum concessis, confirmatis, & pluries innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, individua, & expressa, ac de verbo ad verbum, non autem per clausulas generales idem importantes, mentio, seu quavis alia expressio habenda, aut aliqua alia ex qua sita forma ad hoc servanda foret, tenores hujusmodi praesentibus pro plenè, & sufficienter expressis, ac de verbo ad verbum insertis habentes, illis alias in suo robore permansuris, ad praemissorum effectum hac vice dumtaxat specialiter, & expressè derogamus, ceterisque contrariis quibuscumque.

P.A. primo die 3. Januarii 1692.

Datum Romae apud Sanctam Mariam Majorem sub Annulo Piscatoris, die tertiâ Januarii 1692. Pontificatus Nostri Anno Primo.

XIII.

Concessio facultatis conferendi gradus Scholasticos pro Collegio sub tit. S. Antonii Abbatis Civitatis Cuscan. in Indiis occidentalibus.

INNOCENTIUS PAPA XII.

Ad futuram rei memoriam.

Exordium

Aternæ Sapientiae consilio ad Ecclesiae Catholicae per Universum Terrarum Orbem diffusae regimen, meritis licet imparibus, evecti, laudabilibus eorum Studiis, per quæ Christi fidelium, praesertim in remotissimis ab hac Sancta Sede partibus degentium, in doctrinâ sanâ institutioni, atque eruditioni consulitur, peculiarem pastoralis muneris Nostri sollicitudinem, cum à Nobis petitur, & Reges Orthodoxi magnis in Ecclesiam Dei meritis fulgentes vota sua in id dirigunt, libenti animo adhibemus, sicut omnibus maturè perpensis conspiciamus in Domino salubriter expedire.

Exoptatur ab Hispaniarum Rege pro Collegio Civitatis Cuscan. facultas conferendi gradus infra scriptos.

§. 1. Nuper siquidem pro parte Charissimi in Christo Filii Nostri Caroli Hispaniarum Regis Catholici Nobis per Dilectum Filium Nobilem virum Modernum Ducem de Medina Caeli ipsius Caroli Regis apud Nos, & Sedem Apostolicam Oratorem expositum fuit, quod cum in Civitate Cuscan. in Indiis Occidentalibus jam inde ab anno 1592. erectum reperitur sub invocatione, seu titulo Sancti Antonii Abbatis unum Collegium, seu Seminarium Ecclesiasticum de Jure patronatus praedicti Caroli Regis existens, quinque Cathedras Regiâ impensâ fundatas habens, tres videlicet Philosophiæ, & duas Sacrae Theologiæ, quæ Collegialibus ipsius Collegii per concursum conferuntur, atque ad idem Collegium Nobiliores illarum partium juvenes studiorum causa se conferant; degantque in eo centum plerumque Collegiales, qui praeter bonarum litterarum studia, quibus ibidem operam navant, Cathedrali Ecclesiae Cuscan. debitis temporibus inserviunt, nec non inde viri Sacris Missionibus, Curae Animarum, ac Servitio Ecclesiae valde utiles, & fructuosi prodierint, id verò unum eidem Collegio deesse videatur,

quod ejus Collegiales supradicti, seu alii illius Scholares studiosis suis laboribus peractis, graduum litterariorum premium consequi nequeunt, eò quia Universitas Studii Generalis Limana quingentis circiter milliaribus à dicta Civitate Cuscan. distat, nec illi in alio Collegio Sancti Bernardi Cuscan. quod à Clericis Regularibus Societatis Jesu regitur, & in quo caeteroqui examen eorum, qui subinde ad gradus Scholasticos per Episcopum Cuscan. promovendi sunt, habetur, examini hujusmodi se subicere valent, propter differentiam Scholarum, quandoquidem Collegiales Collegii Sancti Antonii hujusmodi, quod alias antiquius existit, & praerogativâ praecedentia super Collegium Sancti Bernardi supradictum fruitur, à primæva Institutione in eorum primo ingressu ad sequendam doctrinam Sancti Thomae Aquinatis juramento se adstringunt, illique incumbunt; ipse Carolus Rex plurimum cupit eisdem Collegialibus, seu aliis Scholaribus Collegii Sancti Antonii hujusmodi à Nobis indulgeri, ut absolutis studiis, & praevio examine per Cathedraliticos Conventus Sancti Dominici dictae Civitatis Cuscan. Ordinis Fratrum Praedicatorum, attentâ doctrinæ confessione, faciendo, Baccalaureatus, Licentiatuæ, Magisterii, & Doctoratus in Philosophiâ, & Sacra Theologiâ gradus à pro tempore existente Episcopo Cuscan., Ecclesiae vero Cuscan. Sede Episcopali vacante, à Capitulo illius Ecclesiae in Conventu supradicto suscipere valeant. Nobis propterea memorati Caroli Regis nomine humiliter supplicatum fuit, ut in praemissis opportunè providere, & ut infra indulgere de benignitate Apostolica dignaremur.

§. 2. Nos igitur piis ejusdem Caroli Regis votis hac in re, quantum cum Domino possumus favorabiliter annuere volentes, hujusmodi supplicationibus inclinati, de Venerabilium Fratrum Nostrorum S. R. E. Cardinalium negotiis, & Consultationibus Episcoporum, & Regularium praepositorum consilio, Episcopo Cuscan., sive ejus Vicario in Spiritualibus Generali, cum vero Ecclesiam Cuscan. vacare contingerit, Vicario Capitulari Ecclesiae hujusmodi illius Sede Episcopali vacante legitime deputato, respectivè pro tempore existentibus, donec, & quousque publica Universitas in dicta Civitate Cuscan. erigatur, illis ex Collegialibus, seu aliis Scholaribus Collegii Sancti Antonii supradicti, qui peracto studiorum curriculo, ac praevio examine non modo ab ipsius Collegii Sancti Antonii, sed etiam memorati Conventus Sancti Dominici Cathedraliticos faciendo, habiles & idonei reperti fuerint, Baccalaureatus, Licentiatuæ, ac Doctoratus, & Magisterii in Philosophiâ, & sacra Theologiâ hujusmodi gradus, servatâ tamen in omnibus, & per omnia formâ Decretorum Viennensis, & Tridentini Conciliorum, quibus in aliquo derogare non intendimus, auctoritate Nostra Apostolica conferendi facultatem eadem auctoritate tenore praesentium concedimus, & impartimur. Locum verò, in quo graduum hujusmodi collatio faciendâ erit, Episcopi, & Vicarii Capitularis praefatorum arbitrio respectivè remittimus; Salvâ tamen semper in praemissis auctoritate Congregationis memoratorum Cardinalium.

§. 3. Decementes ipsas praesentes Litteras firmas, validas, & efficaces existere, & fore, suosque plenarios, & integros effectus fortiri, & obtinere, ac illis ad quos spectat, & pro tempore spectabit, in omnibus, & per omnia plenissimè suffragari; sicque in praemissis per quoscumque Judices Ordinarios, & delegatos, etiam Causarum Palatii Apostolici Auditores, judicari, & definiri debere, ac irritum, & inane, si secus super his à quocumque quavis auctoritate scienter vel ignoranter contigerit attentari.

§. 4. Non obstantibus Constitutionibus, & ordinationibus Apostolicis, ac quibuscvis, etiam juramento, confirmatione Apostolica, vel quavis firmitate alia roboratis Statutis, & consuetudinibus, privilegiis quoque, Indultis, & Litteris Apostolicis, quibuscvis personis in contrarium praemissorum

Ejusdem
facultatis
concessio.Decreta
pro firmitate.Derogatio
contrariis.

missorum

missorum quomodolibet concessis, confirmatis, & innovatis. Quibus omnibus, & singulis, illorum tenores, formas, & occasiones presentibus, pro plenè, & sufficienter expressis, & insertis habentes, illis alijs in suo robore permanentibus, ad pramissorum effectum hac vice dumtaxat specialiter, & expresse derogamus, ceterisque contrariis quibuscumque. Volumus autem, ut eandem presentium Litterarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis eadem prorsus fides in iudicio, & extra illud habeatur, quae ipsis presentibus haberetur, si forent exhibitae, vel ostensae. Datum Romae apud S. M. Majorem sub annullo Piscatoris die prima Martii 1692. Pontificatus Nostri anno primo.

J. Hard. Albanus

Transumptu fides D. prima Martii 1692. P. A. primo.

XIV.

Constitutio absolutoria ad favorem eorum qui subreptis Alexandri VIII. Litteras de prerogatione officiorum Prioris Generalis, Procuratoris Generalis & Assistentium Generalium Ordinis Fratrum Eremitarum obtinuerunt.

INNOCENTIUS PAPA XII.

Ad futuram rei memoriam.

Exordium à componendi Religiosorum studiis.

Sacro-Sancti Apostolatus Officium Supremi dispositione Consilii Nobis, nullo licet merito Nostrorum suffragio, impositum salubriter exequi, adjuvante Domino, jugiter satagentes exorta inter Religiosos Viros, quos vota sua Altissimo in Sanctitate & Justitia, paceque fraternâ redde docet, dissidia opportunis rationibus recedere, ac felici, prosperoque illorum regimini, quantum cum Domino possumus, consulere studemus, sicut omnibus maturè consideratis, ad omnipotentis Dei gloriam, & Animarum salutem arbitramur in Domino expedire.

Absolvuntur qui Alexandri VIII. Litteras super prerogatione officiorum Procuratoris Generalis &c. obtinuerunt.

§. 1. Itaque pro Paterna, pastoralique Nostra sollicitudine causam prerogationis Capituli Generalis Ordinis Fratrum Eremitarum Sancti Augustini inter nonnullos dicti Ordinis Fratres informantes, ex una, & dilectum Filium Fulgentium Travalloni Priorem Generalem dicti Ordinis, non tamen informantem ex altera partibus (ut accepimus) vertentem, secundum aequitatis non minus quam iustitiae regulas dirimere cupientes, ac quarundam fel. rec. Sixti PP. V. Praedecessoris Nostri Litterarum, per quas sub poenâ excommunicationis latae sententiae prohibetur expresse omnibus & singulis dicti Ordinis Professoribus, ne ipsi, seu pro tempore existens Prior Generalis ejusdem Ordinis, aut quisvis alius quacumque dignitate, etiam Cardinalatus honore fulgens, seu ipsius Ordinis Protector quacumque de causa, etiam urgentissima, confirmationem, live extensionem Officii Prioris Generalis Ordinis praedicti in aliud etiam brevissimum tempus ab hac Sancta Sede petere, & obtentâ uti audeat, vel praesumat, tenorem presentibus pro plenè & sufficienter expresso, ac inserto habentes, de Venerabilium Fratrum Nostrorum S.R.E. Cardinalium, negotiis & consultationibus Episcoporum, & Regularium praepositorum, qui rec. mem. Alexandri Papae Octavi etiam Praedecessoris Nostri in simili forma Brevis Litteras super prerogatione, & extensione Officiorum Prioris Generalis, & Assistentium Generalium ejusdem Ordinis die 22. Julii 1690. emanatas non sustineri, & esse subreptitias censuerunt, consilio, ac motu proprio, & ex certa scientia, & maturâ deliberatione Nostri,

deque Apostolicae potestatis plenitudine, omnes, & singulos, qui dictas Alexandri Praedecessoris Litteras impetraverunt, vel illis usi fuerunt, ab excommunicatione, aliisque censuris quibuscumque, quas propter impetrationem, vel usum Litterarum hujusmodi quomodolibet incurrerunt, seu incurrisse dici, censi, vel praetendi possent, tenore praesentium in utroque foro absolvimus, & totaliter liberamus.

§. 2. Ac cum ipsis super irregularitate per eos, qui censuris hujusmodi propter praemissa innodati Sacrosanctum Missae sacrificium, non tamen in contemptum Clavi, forsitan celebraverunt, seu alias in suis Ordinibus, respectivè ministrarunt, quomodolibet contractâ, ita ut illâ, & iisdem praemissis non obstantibus, dummodo nullum aliud Canonicum eis obstat impedimentum, Clericali charactere, quo alias ritè insigniti fuerunt, illiusque privilegiis, ac susceptis per eos pariter ritè quatuor minoribus, nec non Sacris Subdiaconatus, Diaconatus, & Presbyteratus Ordinibus uti, & quatenus illos nondum susceperint, ad eos, si ad id idonei reperiuntur, servatis alijs servandis promoveri, & promoti in illis, etiam in Altaris Ministerio ministrare liberè, & licitè possint, & valeant, in utroque pariter foro dispensamus.

Dispensatur super irregularitate commissâ.

§. 3. Ceterum omnia, & singula per dictum Fulgentium Priorem Generalem, alioque Ordinis praefati Ministros post impetratas supradictas Alexandri Praedecessoris Litteras gestâ, aliave quacumque inde ceteroqui legitime secuta, motu, scientia deliberatione, & potestatis plenitudine paribus, harum serie sanamus, & convalidamus, ac omnes, & singulos juris, & facti defectus, qui propter praemissa desuper quomodolibet intervenerunt, supplemus; Capitulum verò Generale ipsius Ordinis pro Festo Pentecostes anni proxime venturi 1693. convocandum esse, & interim usque ad celebrationem Capituli Generalis hujusmodi ipsum Fulgentium Priorem Generalem, nec non Dilectos Filios modernos Procuratorem Generalem, & Assistentes Generales dicti Ordinis, in suis respectivè Officiis, illorumque libero exercitio, cum omnibus, & singulis praeminentiis, praerogativis, facultatibus, auctoritate, privilegiis, gratiis, & indultis, ac honoribus, & oneribus solitis, & consuevis continuare debere statuimus, & mandamus.

Convalidantur gesta post impetratas Litterarum impetrationem.

§. 4. Decernentes easdem praesentes Litteras firmas, validas, & efficaces existerè, & fore, suoque plenarios, & integros effectus fortiri, & obtinere, ac illis, ad quos spectat, in omnibus & per omnia, plenissimè suffragari, & ab eis respectivè inviolabiliter observari. Sicque in praemissis per quoscumque Iudices Ordinarios, & delegatos, etiam causarum Palatii Apostolici Auditores, iudicari & definiri debere, ac irritum & inane, si secus super his à quoquam quavis auctoritate scienter, vel ignoranter contigerit attentari.

Decretum roborans & irritans.

§. 5. Non obstantibus praefatis Sixti Praedecessoris Litteris, ac Constitutionibus, & Ordinationibus Apostolicis, nec non, quatenus opus sit dicti Ordinis, aliisque quibuscumque, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & Litteris Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores presentibus pro plenè, & sufficienter expressis, & insertis habentes, illis alijs in suo robore permanentibus, ad pramissorum effectum, hac vice dumtaxat specialiter, & expresse derogamus, ceterisque contrariis quibuscumque.

Derogatio contrariis.

§. 6. Volumus autem, ut ii, qui memoratas Alexandri Praedecessoris Litteras impetraverunt, vel illis usi fuerunt, ut praefertur, poenitentiam, quam eis Sacerdos idoneus propter praemissa respectivè imposuerit, omnino adimplerant, alioquin praesentes Litterae eis quoad absolutionem in foro conscientiae minimè suffragentur.

Adimplenda poenitentia.